

毛家俊

大埔滘區議員辦事處



9844 2869



m98442869@gmail.com



Patrickkcmo



寶鄉街寶仁樓2樓A室

敬啟者：

要求運輸署交代審批長跑活動路線的準則

隨着市民的生活逐漸回復正常，大型的運動賽事可以終於可以重新舉行。不過最近有媒體報導(見附錄)，以往的熱門的十公里門長跑路線 -- 白石角海濱長廊至元洲仔大王爺廟，無法得到運輸署的批准，因此賽事只能於白石角海濱長廊，以不斷繞圈的方式進行。對於有關安排，本人深表關注，並請有關部門回應以下提問：

1. 疫情前不少的比賽，都是可以由白石角海濱長廊來回往返元洲仔大王爺廟，是次比賽的原定路線，其不獲批准的原因為何？
2. 有關的長跑比賽，要經過哪幾個部門負責審批，並諮詢了哪些持分者的意見？

對跑手而言，一般的跑道設計都以平坦直線為主，如賽道急彎過多，只會加重體能負荷。再者，每個參加者的步速不一，如以「倉鼠跑」的形式不斷兜圈，只會令有限的空間聚集大量選手，無助提升整體的安全。

本人更加擔心，若有關安排成為常態，理想的 10 公里比賽場地只會越來越少，無助本地長跑運動的發展。

此致

交通及運輸委員會主席

何偉霖

大埔區議員

毛家俊



2023 年 4 月 24 日

吐露港10公里比賽成絕響? | 「香港Guy跑」變白石角倉鼠跑

由 蝦里 - 2023-03-09

Fitz > 運動 Sports > 跑步 Running >



美津濃香港Guy跑於3月19日舉行

除低口罩，大家都好希望生活復常，實體長跑比賽可以重臨。不過，香港最熱門長跑比賽路線的吐露港公路，疫情後似乎有所變動，以後比賽隨時無得跑。

3月19日起步嘅「美津濃香港Guy跑」，10公里原訂路線一如以往，於科學園起步跑出白石角海濱長廊，再沿吐露港跑至大埔元州仔大皇爺廟折返衝線。據非正式統計，疫情前有六至七成嘅本地比賽，都會採用類似路線，香港跑友只要睇疫情前玩過比賽，都應該會跑過。

最新消息

7 / 3 / 2023

鑒於運輸署最新安排及指引，原定路線跑至大埔大皇爺廟掉頭不獲批准，賽事現只能於白石角海濱長廊進行，而賽道方案必須更改。為配合以上變動，大會須改動組別起步時間，以減少每節起步人數，避免擠擁並保障參加者安全。我們已盡最大努力爭取原定賽道方案，為參加者帶來不便，深感抱歉，敬請原諒。

源自美津濃香港Guy跑大會網站

不過，「香港Guy跑」日前公佈，「鑒於運輸署最新安排及指引，原定路線跑至大埔大皇爺廟掉頭不獲批准，賽事現只能於白石角海濱長廊進行，而賽道方案必須更改。」亦即係話，無論嘅10公里、5公里及3公里項目，都要嘅白石角海濱長廊跑倉鼠圈。



香港Guy跑更改後的比賽路線

3米闊路面「6線行車」

白石角海濱長廊長約2.8米，10公里跑都要不斷兜圈。依照大會提供路線圖，跑手一共要轉8個急彎。而且海濱長廊闊約3米，部份賽道會畫成「6線行車」。雖然大會已採取分批起步，盡量減少賽道嘅比賽選手，但估計仍然會人多擠迫。

呢場比賽受疫情影響，已經多番延期。如今賽道又被逼cut短，無論對賽會及參賽選手，只能感到無奈。



白石角海濱長廊

擔心成長遠做法

傳統嘅科學園10公里路線，都由白石角海濱長廊起步，沿吐露港單車徑跑到大埔元州仔大皇爺廟掉頭。唔計區議會同警方，呢條路線涉及兩個政府部門，白石角海濱長廊由康文署管理，離開長廊公園，過咗創新路公廁之後，就係運輸署嘅管理範圍。



最典型吐露港10公里賽事路線。圖為創新競跑10公里 2017

「香港Guy跑」賽事仍然保留白石角場地，亦即係話康文署批准，但運輸署反對，呢個符合「香港Guy跑」賽會嘅講法。至於運輸署點解拒絕批准大皇爺廟掉頭嘅安排，筆者翻查運輸署網頁，睇唔到吐露港有封路工程。問過幾位業內人士，亦唔知政府點解有呢個決定，亦唔知會唔會成為長久政策。

3月26日舉行嘅 The Wonder Woman Run Hong Kong，路線未見有改變通知。

呢次政府突然「封路」，事前並無放風，令人擔心以後都唔可以喺吐露港舉行長跑比賽，香港要舉行超過10公里比賽嘅場地，將會越來越少，絕對影響未來長跑運動嘅推廣。

文章為作者意見，不代表Fitz立場。
歡迎投稿: <http://fitz.hk/contribute/>



蝦里

去去，武器走！